

zu kommen seyn / vnd noch / daß sie ob-
 gemeltes *secretum* so ganz verberget /
 vnd mit so dunckeln Worten davon ge-
 schrieben haben / Aber wer die *mate-
 riam lapidis* kennet / vnd desselbigen
 Krafft vnd Wirkung verstehet / dem
 ist leichtlich zuermessen / daß sie hierzu
 ganz erhebliche Ursache haben. Denn
 das ist einmal gewis vnd war / wann
 solch *secretum naturæ* solte vberall der
 Welt kundt gethan werden / es wür-
 de ein solche *confusio* vnd schändlicher
 Mißbrauch daraus entstehen / daß
 Gott der Allmechtige / nach *Theophra-
 sti* Weissagung / mit Schwerdt / Hun-
 ger vnd Pestilenz / wol also vnter den
 Menschen *rumoren* möchte / daß nur
 der vierdte theil derselben vberbliebe.

Doch weil gleichwol noch viel from-
 me / Gottfürchtige Herzen seyn / die
 ein gute *intentionem* haben / vnd sich

A iij

wol